

PARCHÈ ... MAMA

*E' dedicata ad un bambino appena nato,
abbandonato di notte in un angolo della
strada e ritrovato il mattino dopo da un
cane (da una notizia di qualche anno fa
sentita per televisione e letta sui giornali,
ma purtroppo sempre di attualità).*

E' lui che parla alla mamma.

M'hann truvaa 'na matina, da fö,
fassaa dent in di strasc d'un fagott
lassaa lì in dul scüür dula nott,
e par primm m'eva vist un cagnö.

.....

Parchè, mama, ca m' évat vurüü,
... par növ mees sun stai dent in da tì,
tantu temp, tanti nott, tanti dì,
parchè, mama, m'hett mia tagnüü?

Ho sentüü tütt ul batt dul tò cöör,
la tò vuus, i tò pass, ul tò fiae,
fina quand d'impruvis m'hett lassaa
... cusa l'è ca s'è rott ... o ca möör?

Mò chinscì ma vöör ben tanti gent,
ma tücc lur gh'hann di altar pensà:
i sò crüzzi, i sò fiö, la sò cà,
e 'l sò ben l'è dumà pa'n mument.

Vuress ditt quell ca pensi in da mì:
mama, hinn tanti, hinn gentil, pien da cür
e basitt e carezz e premür,
ma nissün ... ma nissün te sett Tì!...

Natale Gorini